

Na osnovu člana 12. Zakona o javnim preduzećima u Federaciji Bosne i Hercegovine («Sl.novine FBiH» broj 8/05 , 81/08 , 22/09 i 109/12) i 69. Statuta KJKP Gradski saobraćaj d.o.o. Sarajevo, Odluke Nadzornog odbora KJKP Gradski saobraćaj d.o.o. Sarajevo broj: 02/70 od 16.10.2019 godine Nadzorni odbor objavljuje ,

PONIŠTAVA SE

javni konkurs za izbor i imenovanje Generalnog direktora KJKP Gradski saobraćaj d.o.o. Sarajevo objavljen u dnevnom listu „Dnevni Avaz “ dana 27.05.2019. godine

i istovremeno raspisuje,

JAVNI KONKURS

za

izbor i imenovanje generalnog direktora – predsjedavajućeg člana Uprave KJKP Gradski saobraćaj d.o.o. Sarajevo

I

Objavljuje se javni konkurs za izbor i imenovanje generalnog direktora – predsjedavajućeg člana Uprave KJKP Gradski saobraćaj d.o.o. Sarajevo (u daljem tekstu: preduzeće).

Imenovanje generalnog direktora vrši se na period 4 godine.

Radni odnos generalnog direktora traje do isteka mandata na koji je imenovan odnosno do razrješenja generalnog direktora.

Položaj, ovlaštenja ,odgovornosti i prava generalnog direktora uređuju se ugovorom između Nadzornog odbora i generalnog direktora.

II

Opis pozicije generalnog direktora:

Rukovodi poslovanjem, zastupa i predstavlja preduzeće i odgovara za zakonitost poslovanja preduzeća.

III

Kandidati treba da ispunjavaju slijedeće opće i posebne uslove

A) Opći uslovi su:

1. da je državljanin Bosne i Hercegovine; (dokaz: uvjerenje o državljanstvu ne starije od 6 mjeseci)
2. da je stariji od 18 godina, odnosno da nije stariji od 65 godina na dan imenovanja; (dokaz: izvod iz matične knjige rođenih).
3. da nije osuđivan za krivično djelo i za privredni prijestup, nespojiv sa dužnošću generalnog direktora, pet godina od dana pravosnažnosti presude, isključujući vrijeme zatvorske kazne, odnosno da mu presudom suda nije zabranjeno obavljanje aktivnosti iz nadležnosti generalnog direktora preduzeća; ((dokaz: potpisana izjava, ovjerena od strane nadležnog općinskog organa , ne starija od 3 mjeseca)
4. da se protiv kandidata ne vodi krivični postupak; (dokaz: uvjerenje o nevođenju krivičnog postupka – izdaje nadležni sud ne starije od 3 mjeseca)
5. da ne postoji sukob interesa u smislu člana 14. Zakona o javnim preduzećima; (dokaz: potpisana izjava, ovjerena od strane nadležnog općinskog organa ne starija od 3 mjeseca).
6. da ne vrši funkciju u političkim strankama; (dokaz: potpisana izjava, ovjerena od strane nadležnog općinskog organa ne starija od 3 mjeseca)
7. da nema direktni ili indirektni finansijski interes u preduzeću; (dokaz: potpisana izjava, ovjerena od strane nadležnog općinskog organa ne starija od 3 mjeseca)
8. da nije predsjednik ili član Nadzornog odbora ili upravnog odbora društva sa većinskim državnim kapitalom ili institucije, uključujući, ali ne ograničavajući se na fondove, banke, agencije, komisije; (dokaz: potpisana izjava, ovjerena od strane nadležnog općinskog organa ne starija od 3 mjeseca).
9. da je prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova Nadzornog odbora i uprava privrednih društava sa učešćem državnog kapitala iz nadležnosti Kantona Sarajevo ("Službene novine Kantona Sarajevo", broj 34/19), odnosno da preuzima obavezu da usavršavanje obavi u roku predviđenom navedenom Uredbom (dokaz: Certifikat o završenom usavršavanju izdat od strane nadležnog organa/Komore ili Izjava potpisana i ovjerena od strane nadležnog organa kojom kandidat izjavljuje da preuzima obavezu da usavršavanje obavi u roku od jedne (1) godine od dana imenovanja na poziciju).

B) Posebni uslovi

1. da ima visoku stručnu spremu, tehničkog ili društvenog smjera (dokaz: ovjerena fotokopija diplome fakulteta o sticanju VSS)

2. deset (10) godina radnog iskustva u struci sa VSS od čega najmanje pet (5) godina radnog iskustva na rukovodnim poslovima, (dokaz: uvjerenje ili potvrda o radnom iskustvu i iskustvu na rukovodnim poslovima izdata od poslodavca / poslodavaca).
3. da ponudi program rada preduzeća za mandatni period i dokaze o uspješnim rezultatima u dosadašnjem radu. (dokaz: Program rada za mandatni period i preporuke poslodavca o uspješnim rezultatima u radu)

Potrebni dokumenti

- Potpisanu Prijavu na konkurs
- Biografiju sa adresom prebivališta i kontakt telefonom,
- Dokumenti (dokazi) kako je navedeno u članu III, - A) **Opći uslovi i B) Posebni uslovi** po tačkama

IV

Komisija za provođenje konkursa za izbor i imenovanje generalnog direktora će nakon zatvaranja konkursa pregledati sve pristigle prijave i utvrditi da li su blagovremene i sa potpunom dokumentacijom.

Nepotpune i neblagovremene prijave neće se uzeti u razmatranje.

Kandidati koji budu ispunjavali uslove bit će pozvani na intervju.

Pozvani kandidati koji ne pristupe na zakazani intervju, smatraće se da su odustali od kandidature.

Izbor i imenovanje generalnog direktora vrši Nadzorni odbor.

Komplet dokumentacija koja se prilaže kao dokaz o ispunjavanju općih i posebnih uslova treba da bude original ili ovjerena fotokopija kako je navedeno u A) Općim uslovima i B) posebnim uslovima.

Za predloženog kandidata, preduzeće će po službenoj dužnosti pribaviti podatke iz kaznene evidencije (tačka 3- A) Općih uslova).

Rok za podnošenje prijave sa potrebnom dokumentacijom je 15 dana od dana objave javnog konkursa u dnevnom listu „ Dnevni avaz „

Prijave sa traženim dokazima dostaviti lično ili preporučeno poštom na adresu:

KJKP «Gradski saobraćaj» d.o.o. Sarajevo
Ulica Srđana Aleksića 1
71000 Sarajevo
sa naznakom:
PRIJAVA ZA JAVNI KONKURS
(za izbor i imenovanje generalnog direktora)
«NE OTVARATI».

Na poledini koverte naznačiti ime i prezime podnosioca prijave.

Nakon izvršenog izbora generalnog direktora, ostalim kandidatima će biti vraćena dostavljena dokumentacija.